

吳先生詩集序



于汲且十有四祀鳳池始獲觀其詩一
運歎曰偉哉風灑乎洋洋乎其元聲歟
早自漢魏而降日就凋敝而詩為甚雖
諸公振起稍號中興而其萎蕪湊繪氣
魄終不能無媿於古雅趙宋胡元則又

池迨

典方值隆運諸作者殆累累可數而關
凡為奇峭軒卓然皆積學歷年始克成

家固未有五泉子之類。達風成最後出而先
鳴。驚世者也。豈所謂鵬運龍飛本於天性無
事習染而自能者耶。走生也。晚不逮親接五
泉子之面言。顧嘗聞之先達。謂其孝友敦穆。
始終無間。至於守官之節。抑又屹然岌然。九
死不回。迄今閱其詩識。其溫厚巖潔。備四時
之氣。與頌者宛然符契。語云。詩可以觀其信
然。歎繫亦知關中人士。不頌不阿。猶存聖世
之遺風。雖天下文章品衡。宜亦與定焉可也。

五泉子之始卒中間。相距者蓋三十有餘年。
述其享年之薄。與其德之博。言之昌。又殊
反戾。茲實天道之不可測準者。或掇取元氣
過多。爲造物者所不堪歟。抑人生覆載間。
窮或通。或脩或促。各適其逢歟。是皆未足
較者也。然達人君子之必期久視。歷年者。豈
欲致功乾坤。深入聖域。以自樹不朽。五泉子
之仲氏苑洛公。方倡命世之學於四方。雖顯
知之士。固皆興起。而五泉子獨早世。隕命於

非其大戚乎哉。鳳池於時賢最爲不肖。獨誤
蒙苑洛公國士之遇。每欲及時自奮。以副知
已之期。重有感於五泉子之才情。遂爲刻其
詩。嘻。功名文學之會。士君子其可以觀矣。夫
其可以興矣。夫渭南劉鳳池序。

古此腐別此
真腐也余不
能爲游西山
獲短

夫生者天地之大德也。然能生矣。或又弗與
之壽。中庸曰。天地之大也。人猶有所憾。豈聖
人天地固亦有弗能盡者。與予因韓子汝慶
之歿。于是傷天地之德。有所不能自盡焉。豈
生則其理而弗能盡。則其數耶。汝慶諱邦靖。
朝邑人也。與其兄汝節同舉正德戊辰進士。
予與鄠杜王敬夫納交焉。私以爲文武之業。
康濟之器。茲實其人。乃後十餘年。汝慶以山

西叅議卒于家予亟往哭之撰誄寫哀謂天
祐人國家畀之以才矣復爾敘之扶輿之氣
萃之有期期不常逮逮矣復敘天道柰何聞
汝節彙其詩若干卷藏之家笥予痛汝慶先
已肆而弗長用將究而忽窒幸猶有此可以
表見來世讀其詩思其人泝其志於戲汝慶
可弗死矣古今詩人予不知其幾何許也曹
植而下一杜甫李白爾三子者經濟之略濟
富平河滂沛洋以無辭不得售故文辭之辭惟

觸而應聲色臭味愈用愈竒法度宛然志意
不餽與他摹放剽敘遠于事實者萬萬不同
也予恐讀是集者愛其詞而不逆其志徒以
區區詞章之末視汝慶故以是序諸篇臨潼
趙伯一氏刻而傳焉

嘉靖丁酉春三月七日丙戌許西山人景海
序

五東詩集目錄

卷之一

臨高臺

弄玉篇

渡河篇

公無渡河

採蓮曲

長安有狹邪行

玄明宮行

寄漢陵王先生兼呈對山康先生

南山有虎北山有鳥行寄對山康先生

長安宮女行

甘州行

卷之二

寄涇野呂先生

寄苑洛兄

曉眺

長春亭

涇河篇送涇野呂先生

涇野古詩一首

晚坐古詩三首

寄戴遠谷

卷之三

中秋同何大復望月

送蔡給事入閩席上分韻

病中送人入陝

目錄
憶馬百愚

聖節

紅菊同何大復席上分韻

送謝心部之湖廣

聞鴈

雲中九月八日同張年兄字川登高

憶馬侍御

送周世寧還

關中

寄苑洛兄

席上分韻送馬百愚

席上聞歌分韻

獄中絲帳

南張寺

正月十四日飲宗人宅時自使山西歸省
寄楊侍御師文年兄

破賊

嘉禾爲劉貫道大尹賦

苑洛兄以言語得罪孟無涯夜話

寄舍弟

河中書院

送九川呂先生叅政山東

手種

辛巳除夕

馬嵬

寄呂九川年兄

暮春

思崇爲馬太守

鎮江平賊二十韻

送林都憲巡撫圻內

移月堂爲馬敬湖先生作

目錄
寄呂九川年兄

席上贈歌者

獄中寄友二首

卷之四

葉家樓

送張駕部參佐大中丞彭公討蜀駕部山

東討賊功成復有是命

送馬公濟參佐大中丞彭公討蜀

送周世寧

雨

奕棊

憶孟望之

秋日

春暮

陳真人院牡丹同何仲默子血望之分韻

東雷伯華進士

冬日

聞李崆峒過浙喜而有作

華山

感事

清溪居士為曹侍御祖賦

雪晴

北上

秋雨

冬夜懷舍弟

谷太監出軍歌三首

聖上西巡歌十四首

癸午春使湘舟行得棹歌六首

杭州吟東段夢瀑年兄

閨辭二首

楚宮

漫成四首

解悶五首

三月二十一日雨

送馬歌湖先生

寫軸

飲酒

王鴻臚挽思

小圃即成池亭可待口號四首

經石國公墓見新開河

解悶八首東何大復孟無涯

春興

暖水河

京附錄卷之一

墓誌銘

墓表

孝弟記

卷之二

傳序

目錄終

五泉附錄之三

墓誌銘

翰林院檢討鄆杜王九思撰

○今年春五泉子抵予書曰秋當過訪鄆杜蓋
正德戊寅夏五泉子嘗訪予別六年矣得書
喜甚朝暮幸其至孰意其死也五泉子且死
謂其兄苑洛子曰必敬夫銘我墓嗚呼吾尚
忍銘吾五泉子邪五泉子者諱邦靖字汝慶
同州朝邑縣人也姓韓氏蓋自稱曰五泉子

父曰蓮峯先生諱紹宗仕爲按察副使母恭
人閻氏蓋弘治戊申閏正月初一日子時生
五泉子是夜恭人夢五色雲中奏咸韶之音
已而玉女十餘持蓋擁一童子入室覺而生
五泉子五泉子生而靈異二歲而能誦古詩
百首四歲而通孝經小學五歲而讀論語文
王至德篇掩卷若有忘者蓮峯先生問之對
曰卽如是武王非矣八歲而通舉子業十四
而舉于鄉二十一而舉于德戊辰進士予與

武功康德涵愛其才推爲庶吉士不果明年
己巳拜工部虞衡司主事乃奉部檄十庫監
收庫宦官不爲禮五泉子自坐前席宦官怒
給曰部尚書至因起徹坐五泉子詰之荅曰
公無預庫事者止一飯耳五泉子曰然則我
當去矣荅曰當署案五泉子曰豈有署案不
預庫事者乎竟前席坐署案尋又監收黑窯
廠主廠者宦官厚燕接殷勤之歡五泉子不
顧自起視秤分毫無所假宦官雖怒甚然無

可奈何。未幾抽分浙江市舶去矣。先是抽分
部使者往往避嫌，乃重取于商，為羨餘以自
白。五泉子乃下令曰：非巨木、若竹木成器者
不稅，稅課舊領府幕官。乃奏議寄布政司，不
與府幕官。以部使者侵漁，而府幕易與耳。又
奏議以為抽分司刑獄宜下按察司以防出
入。詔皆奏可。故事，抽分司魏鎮守、太監歲千
金。是時鎮守劉太監者，又谷大用之黨。五泉
子固不與金。劉太監慙，試知其為，以不忿。

劉六千人

益敬之。曾官者從京師來，倚其近幸，索抽分
錢甚急。劉大監怒，勸曰：幸無求韓主事。我
嘗有以贈公也。及代入奏，乃課額不足。尚
書及工科給事中皆以法劾五泉子。五泉子
亦自劾求罷。會國老有知其故者，賴以無事。
壬申春，南北畿內、河南、山東諸郡盜起。

天子命將征剿。工部官例一人前除，當前除者
數人皆懼不敢往。言之部尚書，有泣下者。次
不及五泉子。部尚書知五泉子素勇，可使數

以泣取憐此
輩常態

目五泉子。五泉子歟。然請行後。亦有天幸。不
害。比歸。遷員外郎都水司。出奉部檄。清查直
隸山陝諸路。歷年班匠銀兩。既見其民貧。乃
奏議罷徵。是時急於用財。不許。後以乾清宮
災。竟罷之。而

天子于是方以災異下詔。求直言者。五泉子歸。
上疏曰。夫民者樂安而思治。亞危而厭亂。向
背之際。甚可畏也。臣竊見

陛下自即位以來。

朝政不修。

經筵罔御。盤遊無節。狎近群儉。摧折骨鯁之臣。
閉塞諫諍之路。百度乖違。庶事叢脞。府庫空
竭。閭閻流散。盜賊災異。荐至迭興。危亂之形
已成。

社稷之憂將大。頃者

一清宮災。

陛下下詔。求言在位羣臣。疏論剴切。時政缺失。
指陳略盡。天下之人。皆以爲

天心仁愛啓佑

聖衷必將延覽聽納革既往之愆圖維新之化
澤潤生民末昌

社稷在此一舉不意

陛下從事虛文不修實政凡諸過舉仍遵往轍
重工章疏罔有施行而部官黃體行乃又以
言罷去天下人心莫不囂然沮喪以為

下遭此大異因循恬安尚復如此是

下無悔悟之誠天下無改過之誠

不可收結書曰民可近不可下尚不可而

况使之離哉夫親離者家散民離者國搖故

漢儒有土崩之言先哲有搏沙之喻臣每念

及此實懷隱憂伏望

陛下以社稷為念將各官章疏采擇施行將前

後言事得罪之人并黃體行取回錄用于以

收既散之人心迓將來之福澤天下

國家不勝慶幸疏上

天子震怒下錦衣衛獄給事中李君鐸率眾論

章五原集卷

五

此疏無愧於心
然而語太切直
等輩難受任
况天子

救之乃得奪官爲民其後御史師君存智范君輅給事中徐君之鸞皆奏起用皆不果辛巳秋今

上即位起爲山西左叅議分守大同於是感激奮勵單車就道革奸平獄權豪斂跡然分守道故無印由此多弊乃奏議請照提學官事例給關防不報是時

天子脩定策功封爵太濫而高山陽和諸衛軍士奉例開墾草場數千餘頃皆爲豪家占種

乃前後上疏論列又皆不報未幾大同歲饑人相食又奏議請發內帑賑濟不許爲之憮然泣下輟食將再論之或曰君之心盡矣不從者書有所歸也獨奈何自苦如此荅曰言而不從自謂已責已盡而委咎于人此詐臣之自便而釣名者之爲也復抗疏論列累千餘言不報侍郎戚公鳳經略邊務嘗奏書薦之而曰臣見左叅議邦靖穎秀夙成操心平正問學博洽議論淵源使之提學必能以身

率士禪補治道。巡撫都御史楊公志學給事中俞君集亦奏薦之。皆不果。五泉子慮其舊疾復作，乃上疏乞歸。于是都御史張公文錦奏留之，而謂宜陞本道兵備副使以慰軍民之望。然歸志已決，乃復上疏報未下，即行。御史朱君寔呂奏書薦之，而曰：邦奇、邦靖學問自相師友，名節交相砥礪，乞將邦靖病痊起用。邦奇者，苑洛子也。吏部具奏。

一日御史議西歸之日，雷民遮留道上以

萬計號泣不忍舍去。五泉子亦為泣下，而嘉靖癸未二月初十日抵家。于是謁孔子廟，揖縣令拜先壟，牲見於祠堂，稱觴壽母，與諸兄弟燕會終日，甚樂也。乃十八日病，損食不豫。苑洛子為迎醫，甚衆，乃愈益病。四月初十日，衣冠如平生，呼苑洛子曰：我其逝矣。十九日必大雷雨，即為我戒衣衾。又曰：先君之歸，在是月二十一日。我強待之，好作忌辰也。十九日果大雷雨，苑洛子為正冠，然已不能語而

伴以知之

伴能待也 吳

吳

韓五身墓誌
二十
搖首苑洛子泣曰待二十一日乎乃首之及
二十日而苑洛子復問曰歸在明日乎不應
苑洛子痛哭曰吾弟力不支矣又首之已而
果卒距其生蓋三十六歲云配安人屈氏生
一女無子以族子仲譜繼後卜以六月二十
二日葬南陽洪先塋自五泉子卒後太恭人
哭之不已苑洛子廢寢食哭蓋其平日孝父
母者甚至終身不違顏色蓮峯先生病寢處
其側者四月餘及卒哀毀幾死其事伯兄縣

其弟國子君拜如
極兄弟骨肉之愛有朋友忠告之益又嘗爲
其姊李孺人吮疽鄉人蓋嘗立碑表其孝友
云而其愛民之仁律已之廉食用之儉細行
之必矜臨事應接之敏其事皆可書者不具
書其在浙得代歸而同年趙推官者以屈安
人病無子買女婢遺之拒不受趙曰此越女
有色者笑曰正恐若此耳此人所難能者書
之爲世楷法至於韓氏世行所由來遠具載

蓮峯先生墓誌語中亦不書銘曰

予在京師見五泉子七言絕句詩類杜子美
及罷歸爲予誦其古歌詞浸淫唐初逼漢魏
矣觀朝邑志其亦文章之洪麗乎夷考其行
蓋曠世之英全德之士也乃不壽死嗚呼天
邪孰爲五泉子邪

五泉韓子墓表

太子少保刑部尚書漁石唐龍撰

五泉韓子諱邦靖字汝慶西安朝邑人也父

蓮峯先生母恭人閻氏恭人夜夢五色雲中
樂聲洋洋旌蓋番番玉女十餘擁一童子入
室而五泉生聰明異常兒五歲讀論語至文
王至德篇若有所思既而曰是故武王非乎
蓮峯爲福建按察司副使携家往當渡江與
恭人各一舟五泉泣請同舟而濟豈以波濤
叵測父母皆不可離邪是亦五歲時事十四
歲舉于鄉正德戊辰與其兄苑洛子同舉進
士初授工部主事當視十庫至即坐前席中

侍給曰尚書至矣方起坐已撤曰官人無預
庫事五泉曰然則去耳中侍曰請書案五泉
曰豈無預庫事乃書案乎必竟坐又當監收
黑窯廠廠之利歲歸於內而加稅天下五泉
乃采過之羣宦喁喁亦弗顧又當督課浙江
先執事皆取羨餘以進五泉曰聚斂之臣盜
臣不如而吾爲之乎下令曰非巨材與竹木
成器者不稅商人至于今德之舊額課領于
府幕以其易與也分司刑獄付下吏又易高

下五泉奏行布政司領課諸刑獄得付按察
司遂著爲令鎮守太監歲擅課利是時太監
劉璟怙勢張威觸者輒糜爛五泉固不與璟
始銜之而終敬焉有倖宦自京師至索課利
甚苛璟止之曰韓主事即索之何爲吾當有
所贈時有同年爲杭州推官以五泉無子市
一女徃遺之拒弗受同年曰若越女之華而
麗者可備中擲曰惟華而麗故不欲也是皆
非有德操能之乎既報命尚書劾課額弗盈

五泉曰昔人豈無畧拙請囚者乎亦自効求
罷

朝廷釋弗問壬辰春燕齊盜起聲震京師師行
工部當有前除衆比日難之尚書數問五泉五
泉曰人臣義不避難知世請行烈哉烈哉盜平陞
都水司員外郎督准諸路匠役銀乃以民貧
奏乞免徵蓋不欲以財利事君也癸酉二月
會宮中火災詔直言五泉請御經筵脩朝
政節盤遊遠檢千召還言官辭傷剴切乃下

錦衣獄衆懼不測臺諫合辭申以放諸本

時蓮峯已致仕苑洛子亦以剛且奪職家居

五泉曰孝弟力田吾今日之事也乃服稼力

穡身親耒耜曰吾勞而父兄逸不亦可乎已

卯蓮峯病湯藥親嘗然後進左石周旋終夜

不寢晝或忘食歷四月弗懈蓮卒既歿哀毀

骨若立負草土卧於柩下盛夏出蚋叢積一

振衣躍落如雨既葬苑洛子廬于墓側五泉


倚門而廬以奉恭人昏旦至墓所與苑洛子

撫膺大哭。聞者慘然。既死洛子。以哀致疾。幾
一年。五泉亦親嘗湯藥。凡溺惡。下必諦視之。
若五泉之孝弟。豈非出於天性。有邪。嘉靖改
元。用薦者召為山西布政司參議。分守大同
路。先是高山陽和草場數萬畝。此豪歲擅其
利。于是悉割而還諸軍。境內歲。入侵人洶洶
然。無以為食。疏請發內帑而長。治之。部司格
其議。乃。部司。執奏。益力。語。院部司。而部
司。不。亦。民。隱。別。致。

表不為法而
此段善評

壹執豪孽。斥貪僚。訊寃牒。惟日若不足。其謂
之孜孜為國。知無不為者。非邪。諸撫臣與行
部者。皆列牘而薦之。而五泉疾矣。亟疏以告
至再。始獲請。軍民遮道而留之。而不可得。呼
吁而泣曰。明公果不念吾儕小人乎。五泉亦
泣。遂行。嘉靖二年三月初十日。抵于家。上堂
為恭人壽。叩先壟。哭而奠焉。牲見于祠堂。皆
如禮。乃是月十八日。疾復作。四月初十日。益
劇。語苑洛子曰。吾其逝乎。十九日。天必大雷。

兩其亟治具夫吾父卒于二十一日吾必待
之至十九日果大雷雨遂不語苑洛子爲正
冠乃搖首示有待也苑洛子曰豈誠待二十
一日乎首之二十日又問不語苑洛子哭曰
吾弟不能支也又首之遂卒實生于弘治戊
申閏正月初一日距今三十有六歲痛哉配
安人屈氏無子擇族之子仲譜而子之卜以
六月二十二日紼而引柩葬于南陽洪先塋
嗚呼異夢呈祥震雷兆變天子五泉則至矣





8